

Hangarau Matihiko Digital Technologies

Ngā mea me mōhio ngā **kaiārahi pakihī, kaiārahi ahumahi hoki**

Te whakapakari i Te Marautanga o Aotearoa me te New Zealand Curriculum atu i te tau 2018

MAI I TE TAU 2018, KA URU TE HANGARAU MATIHIKO DIGITAL TECHNOLOGIES KI TE MARAUTANGA O AOTEAROA ME TE NEW ZEALAND CURRICULUM. KEI TE PANONI TE PŪNAHA MĀTAURANGA, Ā, HEI WHAKARĀKEI I Ā TĀTOU TAMARIKI E TAEA E RĀTOU TE URU ATU, TE WAIHANGA, ME TE TIPU I ROTO I TĒNEI AO HANGARAU MATIHIKO.



He maha ake te hiahia o te ao ki te hunga whai pūkenga hangarau matihiko, ā, he iti noa te hunga e mārāma ana ki ēnei mahi puta noa i te ao. Hei tā ngā whakahoatanga ahumahi o Aotearoa, ina kē te maha o ngā huarahi kia tū māia ai i roto i te manapori ā-ao.

Mā tēnei marautanga e taea e te ākonga te huarahi ki te kōkiri i ōna pūkenga, i ōna pūmanawa ki te hoahoa, ki te whakawhanake i ngā hangarau matihiko hou; hei whakaawe i ngā ākonga ki te whai i tēnei huarahi mata rau o te mātanga rorohiko, e kore noa e noho hei kaiwhakamahi anake, engari hei kaihoahoa, hei kaiwhaihanganga hoki o ngā mahi hangarau matihiko.

He aha oti tēnei mea te Hangarau Matihiko me te Digital Technologies (HM & DT)?

Ko tēnei kaupapa o te Hangarau Matihiko me te Digital Technologies, ko te whai māramatanga ki ngā mahi hangarau, ā, me pēhea te whakamahi i ērā mātauranga kia noho ai te ākonga hei kaihoahoa mō ngā wetewetenga raru matihiko. Ka whai wāhi ēnei mahi ki ngā momo ahumahi katoa, mai i ngā mahi IT ki ngā mahi ahuwahua hoki.



Wātaka: Ngā kōrero marautanga mō te HM & DT, te wānangatanga me te whakatinanatanga



Te toko ake i te hunga kaimahi o āpōpō

He aha ngā rerekētanga o te akomanga?

Kua noho kē ētahi kaiako, ētahi kura arareo Māori, arareo Pākehā me ngā Kāhui Ako ki te whakauru i ngā mahi nei ki ā rātou hōtaka whakaako. Mā tēnei panonitanga e whakaatu ki ngā ākonga ngā tautōhitotanga o tēnei mahi, hei whakareri i a rātou mō te ao hangarau matihiko me tōna pānga ki ngā mahi ōhanga me te pāpori o te ao hurihuri nei.

Te tikanga ko ngā ākonga mai i te tau 1 ki te tau 13 (mai i te 5 ki te 18 tau te pakeke) ka whai wāhi mai ki te ako i ngā mahi HM me te DT. Ka taea hoki e ngā ākonga tau 11 ki te tau 13 te whai i ngā mahi mātanga mō te hangarau matihiko. Kua tīmatahia te tuhi i ngā paerewa paetae NCEA Taumata 1, ā, ka taea te whakamahi i ngā paerewa nei atu i te tau 2018. Ka puta ngā Taumata 2 me te 3 hei te tau 2019.

Hei te taenga ki te pito o te tau 10, tōna tikanga kua māia kē te hunga ākonga ki ngā mahi matihiko – ka taea te whakamahi, te waihanga i ngā hangarau matihiko ki te wetewete raru, ahakoa te huarahi mahi ka whāia e rātou.

Mō te hunga ākonga ka eke ki te tau 13, tōna tikanga kua whai wāhi atu rātou ki ngā mahi mātanga o ngā hangarau matihiko – ka mārama rātou ki ngā pūkenga e hiahiatia ana mō ngā ahumahi hangarau matihiko, ā, me pēhea hoki tā rātou ārahi i ngā reanga kaiwaihanga hou i roto i tēnei ao matihiko.

Ka pēhea tō whakauru mai?

Me whakaaro ake koe me pēhea tō tautoko i te whakatipuranga o ngā pūkenga me ngā pūmanawa, mā te tūhono atu ki te hunga taiohi kei tō hapori. Ka taea tō tautoko i tō kura arareo Pākehā, arareo Māori, i tō Kāhui Ako rānei kia mōhio ai koe ka pēhea te whakamahi o tō pakihia i ngā mahi hangarau.

Me mahi tahi me ngā kura, me ngā Kāhui Ako kia whakaurua te marautanga nei kia whai wāhi ai ngā pūkenga matihiko nei ki ngā ākonga.

Find out more and make contact:

 digi.tech@education.govt.nz

 education.govt.nz/digitech

 [@EducationGovtNZ](https://twitter.com/EducationGovtNZ)

 [www.facebook.com/
EducationGovtNZ/](https://www.facebook.com/EducationGovtNZ/)